

«12» նոյեմբեր 2020թ.

N 3988 - L

ՀԻՎԱՆԴԱՆՈՑԱՅԻՆ ՊԱՅՄԱՆՆԵՐՈՒՄ ԿՈՐՈՆԱՎԻՐՈՒՍԱՅԻՆ  
ՀԻՎԱՆԴՈՒԹՅԱՄԲ (COVID-19) ԲՈՒԺՈՒՄ ՍՏԱՑՈՂ ՊԱՑԻԵՆՏՆԵՐԻՆ ԱՎԻԳԱՆ  
/ՖԱՎԻՊՐԻԱՎԻՐ/ ԴԵՂԻ ՏՐԱՄԱԴՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Հայաստանի Հանրապետության բնակչության սանիտարահամաճարակային անվտանգության ապահովման մասին» ՀՀ օրենքի 20.11-րդ հոդվածը,

### Հ Ր Ա Մ Ա Յ ՈՒ Մ ԵՄ

1. Հաստատել «Հիվանդանոցային պայմաններում կորոնավիրուսային հիվանդությամբ (COVID-19) բուժում ստացող պացիենտներին Ավիգան /Ֆավիպրիավիր/ դեղի տրամադրման կարգը»՝ համաձայն Հավելվածի:

2. Բժշկական օգնություն և սպասարկում իրականացնող կազմակերպությունների ղեկավարներին՝

հիվանդանոցային պայմաններում կորոնավիրուսային հիվանդությամբ բուժում ստացող պացիենտներին Ավիգան /Ֆավիպրիավիր/ դեղի տրամադրումը կազմակերպել սույն հրամանի հավելվածով հաստատված կարգի համաձայն:

3. Առողջապահության նախարարության հասարակայնության հետ կապերի բաժնի պետ Լիլիթ Բաբախանյանին՝

1) ապահովել սույն հրամանի տեղադրումը առողջապահության նախարարության պաշտոնական կայքում:

4. Սույն հրամանը ուժի մեջ է մտնում հրապարակմանը հաջորդող օրվանից:

Ա. ԹՈՐՈՍՅԱՆ

**ԿԱՐԳ**

ՀԻՎԱՆԴԱՆՈՑԱՅԻՆ ՊԱՅՄԱՆՆԵՐՈՒՄ ԿՈՐՈՆԱՎԻՐՈՒՍԱՅԻՆ ՀԻՎԱՆԴՈՒԹՅԱՄԲ (COVID-19) ԲՈՒԺՈՒՄ ՍՏԱՅՈՂ ՊԱՅԻԵՆՏՆԵՐԻՆ ԱՎԻԳԱՆ /ՖԱՎԻՊՐԻԱՎԻՐ/ ԴԵՂԻ ՏՐԱՄԱԴՐՄԱՆ

Կլինիկական ընթացք	Հակավիրուսային թերապիա
<p>I. Այն պացիենտները, որոնք հոսպիտալացման պահին միաժամանակ կբավարարեն ստորև նշված ա, բ, գ, դ չափանիշներին՝</p> <p>ա. հաստատված COVID-19 (լաբորատոր թեստավորման՝ քթընկալից և ընկալից վերցրած քսուքի ՊՇՌ հետազոտման մեթոդով դրական արդյունք),</p> <p>բ. ճառագայթային ախտորոշման մեթոդներով (կրծքավանդակի ռենտգենոգրաֆիա, համակարգչային շերտագրություն) հաստատված թոքաբորբ,</p> <p>գ. մարմնի ջերմաստիճանն անութափոսում՝ 37.5°C և ավելի,</p> <p>դ. արյան թթվածնով հագեցվածությունը՝ SpO2 ≥94%:</p> <p>II. Անկախ սեռից</p> <p>III. Չափահաս</p> <p>IV. Հոսպիտալացված</p> <p>V. Վերարտադրողական տարիքի կանանց համար հղիության թեստի բացասական արդյունք բուժումը</p>	<p>Ավիգան /Ֆավիպրիավիր/ պետք է ընդունել թերանացի, հետևյալ դեղաչափով.</p> <ul style="list-style-type: none"> <li>• 1-ին օրը՝ 9 հաբից (1800մգ) օրական 2 անգամ, ընդ որում առաջին օրվա երկրորդ դեղաչափը պետք է տրվի առաջին դեղաչափից առնվազն 4 ժամ անց</li> <li>• Սկսած 2-րդ օրից՝ 4 հաբից (800մգ) օրական 2 անգամ:</li> <li>• Բուժման ընդհանուր տևողությունը 7 օր է:</li> </ul> <p>Այնուամենայնիվ, բուժման նշված տևողությունը կարող է կրճատվել, եթե բուժող բժիշկը կորոշի, որ պացիենտը ենթակա է դուրս գրման՝ ելնելով վիճակի լավացումից, վերականգնումից կամ COVID-19 թեստի բացասական արդյունքից, ինչպես նաև, եթե կողմնակի ազդեցությունների կամ այլ պատճառների հետևանքով անհրաժեշտություն կառաջանա դադարեցնել Ավիգանի /Ֆավիպրիավիր/ ընդունումը:</p>

<p>սկսելուց առաջ:</p>	
<p>Ստորև ներկայացված բացառման չափանիշներից որևէ մեկին համապատասխանելու դեպքում պացիենտը չի կարող ստանալ Ավիգան /Ֆավիպրիավիր/ : Ինչպես նաև բուժման / Ավիգան /Ֆավիպրիավիր/ ստանալու/ ընթացքում բացառման որևէ չափանիշի համապատասխանելու դեպքում, Ավիգանի /Ֆավիպրիավիր/ ընդունումը պետք է դադարեցնել:</p> <ol style="list-style-type: none"> <li>1) Մարմնի ջերմաստիճանն անութափոսում <math>37.5^{\circ}\text{C}</math> -ից բարձր՝ ջերմության բարձրացման սկզբից ավելի քան 10 օր:</li> <li>2) Արյան թթվածնով հագեցվածությունը՝ <math>\text{SpO}_2 &lt; 94\%</math>:</li> <li>3) Բակտերիալ ինֆեկցիայի առկայություն /նաև կասկածելի/</li> <li>4) Մնկային հիվանդության առկայություն /նաև կասկածելի/</li> <li>5) Սրտային անբավարարություն</li> <li>6) Լյարդային անբավարարություն</li> <li>7) Երիկամային անբավարարություն</li> <li>8) Գիտակցության կամ կողմնորոշման խանգարում</li> <li>9) Հղիություն /նաև կասկածելի/</li> <li>10) Բուժման ընթացքում և դրա ավարտից 14 օրվա ընթացքում կոնտրացեպտիվների օգտագործումից հրաժարվելը</li> <li>11) Ժառանգական քսանտինուրիա</li> <li>12) Անամնեզում հիպոուրիկեմիայի կամ քսանտինային միզաքարերի առկայություն</li> </ol>	

<p>13) Անամնեզում պողպարայի կամ հիպերուրիկեմիայի առկայություն</p> <p>14) Իմունոսուպրեսիվ դեղորայքի ընդունում</p> <p>15) Պացիենտներ, ովքեր ջերմության բարձրացման <math>\geq 37.5^{\circ}\text{C}</math>/ սկզբից 9 օրվա ընթացքում ստացել են ալֆա ինտերֆերոն կամ հակավիրուսային դեղորայք, այդ թվում՝ հիդրօքսիքլորքվին սուլֆատ, քլորոքվին ֆոսֆատ, լուպինավիր-ոիտոնավիր, ցիկլետոնիդ, նաֆանոստատ մեզիլատ, կամոստատ մեզիլատ, ռեմդեսիվիր</p> <p>16) S ARS-CoV-2 կրկնակի վարակում</p> <p>17) Նախկինում ֆավիայրիավիր ստացած պացիենտներ:</p>	
<p>Ի լրումն գործնականում անհրաժեշտ լաբորատոր և գործիքային հետազոտությունների՝ հարկավոր է կատարել հետևյալ լաբորատոր և գործիքային հետազոտությունները.</p> <p>1) COVID-19 լաբորատոր թեստավորում ՊՇՌ հետազոտման մեթոդով առնվազն 2 անգամ / Ավիգանի /Ֆավիպրիավիր/ ընդունման առաջին և վերջին օրերին/</p> <p>2) Կրծքավանդակի ռենտգենոգրաֆիա կամ համակարգչային տոմոգրաֆիա առնվազն 2 անգամ / Ավիգանի /Ֆավիպրիավիր/ ընդունման առաջին և վերջին օրերին/</p> <p>3) Լաբորատոր քննություն առնվազն 3 անգամ</p> <p>4) Կլինիկական ախտանիշներ և կենսական ցուցանիշներ ամեն օր</p> <p>5) Կլինիկական վիճակի գնահատում 7-միավորանոց սանդղակով ամեն օր</p>	

<p>Վերը նշված տվյալները պետք է գրանցվեն հիվանդության պատմագրին կից թերթիկում:</p>	
---	--